

عصام سلطان يكتب : شيوعى وفلول !..



الجمعة 26 يوليو 2013 12:07 م

عصام سلطان يكتب : شيوعى وفلول !..

صعبان على يوسف الحسينى أوى ، هو واللى زيه ، كل ما افصح السياسى فى حاجة جديدة يخرجو من تحت البيادة يشتمونى ويرجعو بسرعة تحتها تانى ، آخر حاجة اتحدثت السياسى فيها ان السجن الحربى مليون معتقلين عسكريين معارضين للانقلاب ، خرج بسرعة المتحدث العسكري وقال مفيش ، والسياسى اعد يحلف بالله ثلاث مرات ان الجيش على قلب رجل واحد ، بس حظه الوحش ان شهود كثير كذبوه ، آخرهم الشاعر مصطفى السبيلى على تويتر..

ودايما يوسف الحسينى بالذات يشتم ويجرى وهو مرعوب منى ، واهم حاجة يكون لواحدة فى البرنامج بتاعه وهو بيشتمنى مع ان الونس حلو ..

آخر حاجة جاوبهالى الشباب انه حاطط مستند منسوب لى وقال يعنى انا امن دولة ، بس مشكلته ان الشباب طلعو توقيعهم متطابق تماما مع التوقيع فى المستند ، حتى التزوير مش فالح فيه يا يوسف ..

كان ممكن لو شغلت مخك ، وانا عارف ان ده صعب عليك ، كنت حطيت المستندات الللى كان حاططها شفيق قبلك من سنة بالضبط ، وبالمناسبة كلها على النت ، واتعاقب عليها بحكم نهائى بات من محكمة جنح مستأنف من شهرين ، وساعتها ممكن لما تتفشف تقول أنا مليش دعوة باسمه أنا واحد المستندات من شفيق ..

ممكن مشكلتك تتحل لو كنت شيوعى بس لانك احتمال تفهم فى يوم من الايام ، وممكن مشكلتك بردو تتحل لو كنت فلول بس لانك احتمال تتوب وترجع الللى انت سرقتة ونهيتة ، بس صعب اوى اوى انك تبقى شيوعى وفلول ..

عموما انا باطمئنيك ، خذ راحتك عالأخر ، انا على ١٢ ضبط واحضار و٢٨ تهمة ، أقل واحدة فيهم القنص من أعلى سطح نادى الحرس الجمهورى للمعتصمين الساجدين ، فأنا مش هكون فى محيط مدينة الانتاج الاعلامى خالص ، أنا إما فى رابعة أو فى السجن ، ودى فرصة تعالج فيها نفسك من الخوف منى ..

بس لو انا مش فى رابعة ولا فى السجن ، تفكر انت هتبقى فين .. انت والسياسى ؟

ربنا يسهل وتعرف الاجابة النهردة